

萬

國

公

報

(三)

清末民初報刊叢編之四

清光緒元年至光緒卅二年

林樂知主編

# 萬國公報

(三)

華文書局股份有限公司印行

MAY, 1900.

# 萬國公報

## WAN KWOH KUNG PAO.

A REVIEW OF THE TIMES.

NEW SERIES—EDITED BY REV. DR. YOUNG J. ALLEN

(Published on the 15th of each Foreign Month.)

VOL. XII. NO. 4.

CONTENTS.

WHOLE NO. 136.

- |                                                      |                   |                                      |
|------------------------------------------------------|-------------------|--------------------------------------|
| 1. The Truth                                         | ...               | By Dr. W. E. Macklin.                |
| 2. Dr. Martin's Psychology                           | ...               | Introduction by H. E. Li Chung-tang. |
| 3. History of the China-Japan War: Third Supplement. | ...               | Review ... By 任廷旭.                   |
| 4. Russia and Its Peoples. Introduction              | ...               | By 任廷旭.                              |
| 5. Suggestions for Increasing the Export Trade.      | No. 4.            | By F. E. Taylor, Esq.                |
| 6. The Basis of Political Liberty and Human Rights   | ...               | By Dr. W. E. Macklin.                |
| 7. T'ie Tsung-li Yamen and International Institute.  | ...               | Correspondence.                      |
| 8. Chinese Affairs                                   | ...               | Compiled by Mr. Tsai.                |
| 9. History of the Boxers                             | ...               | By 勞乃立.                              |
| 10. Foreign Mail Summary                             | } Current History | By Editor.                           |
| 11. Telegraphic Intelligence                         |                   |                                      |
| 12. Miscellany.                                      |                   |                                      |

In view of the Triennial Examination to be held the early part of September, the August number will be a special one. Friends requiring extra copies will please notify as soon as possible the S. D. C. K., or Presbyterian Mission Press.

Note.—Price 15 cents per copy; \$1.50 per annum.

### SCALE OF CHARGES FOR ADVERTISEMENTS (in Mexican Dollars).

No charge for translation into Chinese.

|              |               |               |                 |
|--------------|---------------|---------------|-----------------|
| Full Page    | 3 Mos., \$45; | 6 Mos., \$72; | 12 Mos., \$120. |
| Half Page    | 3 Mos., 24;   | 6 Mos., 42;   | 12 Mos., 72.    |
| Quarter Page | 3 Mos., 18;   | 6 Mos., 30;   | 12 Mos., 48.    |

No Advertisement taken for less than three months. Payment in advance.

This Magazine circulates among the Mandarins and leading merchants throughout the empire.

All business orders, subscriptions to papers, etc., to be sent to Presbyterian Mission Press.

PUBLISHED BY THE

SOCIETY FOR THE DIFFUSION OF CHRISTIAN AND  
GENERAL KNOWLEDGE AMONG THE CHINESE.

PRINTED AT THE PRESBYTERIAN MISSION PRESS, SHANGHAI.



第壹佰叁拾陸冊

光緒二十有六年

四月

# 萬國公報

西歷一千九百年

五月

上海英大馬路

19261

本館前創萬國公報細海邦之聖政開華報之先聲閱七十年刊歷十五載而中止光緒己丑廣學會同人議步芳型仍延林樂知先生主報政改為月刊一册而晨維康艾約瑟丁聰良沈寶龔德貞李提摩大諸先生分任之甲午以來更延蔡君芝綏撰述華文月報體裁相期美備夫泰西之視月報也重於日報而上而王公將相次之學士文人各置案頭於焉寓目察其褒譏之意視為得失之林本館志在與華彌深兢業倘大方家許貽嘉話俾敝同人藉滌蕭襟豈徒通驛華洋抑且分光朝野矣

如蒙惠教祈寄虹口吳松路林公館若欲閱報可開棋盤街商學會總局或北京路美華書館三馬路格致書室望平街六先書局外省則由京都東華門外燈市口湖南省城太平街人和豆枝號暨各府州縣西士售書處或書坊及售日報處分別代售每册實價洋銀一角五分定閱全年一圓五角遠處酌加郵費

## 廣學會譯著實學要書 稟明中西官署翻刻立即究罰

比年中外大通華人固於見聞遇事動多扞格本會譯著各書皆記實學新政誠能逐細披覽獲益匪淺鮮今列尤要數書於左餘列後幅泰西新史攬要廿四卷凡泰西近百年中之新政提綱挈領要言不煩蓋集西史千百種之大成而損其菁華獨抒偉論者也且泰西各國日長炎熾之勢盡具於一部書中所譯華文又極明顯每部洋銀二圓石印八角○中東戰紀本末八卷凡泰西新政之可作掌故者精心考訂言皆有物語必透宗應試諸君融會貫通自必投無不利每部一圓五角○時事新論十三卷有圖說四十餘種繁稱博引鉅細無遺計價六角○文學與國策兩卷凡泰西學校中之良法美意臚列無遺場中如考新學舍此無以進典每部兩角○中東戰紀本末續編四卷言金玉字字珠璣內有征東電報七萬餘字尤為萬金不換之秘本每部七角○新學彙編四卷皆泰西旅華名士之通論熟精其理還邇查體中外提綱矣每部八角○中國度支考歷考國家每歲出入款項羅羅清疏每部一角半○英奧記皆記英國六十年來振興實績每部三角半以上各書上海在廣學會總局美華書館中報館格致書室暨各埠分售處均有代售

真理論

性學舉隅序

性學舉隅總論

讀中東戰紀三編謹跋其後

俄國政俗通考弁言

四續理財節略

自由論畧序

自由篇第一章

論理益

條請入奏尚賢堂章程清摺

上總理衙門王大臣

總理衙門總辦章京復函附

復陳尚賢堂章程必須入奏緣由清摺

同上

英國馬林著  
金駿李玉書譯

合肥李儀叟傅相

美國丁韋良著

吳江任廷旭撰

吳江任廷旭作

新江關戴樂爾著

華英士馬林著  
李玉書譯

英國施本林著  
馬林譯

美國李佳白呈

美國舉人李佳白

光緒政典

上海蔡爾康謄錄

上諭

懿旨

平章百姓

教思無窮

萬壽恩詔

義和拳源流考并編

歧助鐵路通飭查辦札文

重商即以貴粟示

勸弗誤人保皇會致被株累示

軫念僑氓貴先克已示

美國限禁華人新例附

楚督克軍將令

泰西朝野僉載四

斐洲華海比例說并跋

議員問政答辭

彈人惟恐不傷人

中學新約述畧

俄人東畧策志

俄人西笑述聞

弭兵會慶成

測驗日食考畧

電書月報

各項告白

美林樂知選錄  
華蔡爾康謄錄

美國林樂知譯  
中國蔡爾康謄錄

萬國公報館錄

今之以大演言格致者。動謂天地萬物。皆由散之聚。由渾之靈。以至今日之世界。蓋不知經幾千萬年之變化。始成此最後之奇。初無所謂創造者也。嗚呼。斯言也。彼固以爲據理而談。而不知其悖理實其端。夫理之在天壤。固囊括乎宇宙。貫通乎古今。雖極乎億事兆物。京年垓代。而不易者也。試思天下之事。皆爲對待之形。不見有二。不知其爲一。不見有己。不知其爲人。一者。二之對。人者。己之對也。試置一事於此。一人曰。非理。亦人人曰。非理。此必人之意中。先有一完全美備之理。取以相形。故覺其爲非理。譬人見三足之馬。而知其爲跛。此其意中必有一全馬也。蓋天卽是理。故書云。維皇上帝。降衷下民。詩云。皇矣上帝。臨下有赫。可見無論人物。其生也。莫不有理。卽莫不有上帝在其中。是以人之一生。往往自顧常躬。默然自愧。知其不能爲完人。夫既自知不全。則其心必有一完全之像矣。此非眞理乎。縱有人謂。此說爲非理。甚則謂。天下絕無所謂眞理。然其指爲非者。必因有是而始見爲非也。其指爲無者。必因其有而始見爲無也。彼豈無據而云然乎。卽此以觀。然則斯理固較人爲大。其非一二人之私理。而實天下古今之大理也。明矣。大理者何。上帝之謂矣。或曰。理之爲理。生於人心。安得謂爲別具之物哉。不知理既屬人。卽當與人相終始。如爲政在人之類。中庸所謂。其人存則其政舉。其人亡則其政息也。乃何以理之於人。當其未生之前。其理已具。及其既死之後。其理猶存。如曰。屬人。則未生既死之時。此理又何所附麗乎。蓋

理之爲用。無所不能。實主宰之大力。斷非人之所能自生。既有其事。卽有其理。雖無其事。亦必有其理。特人尙未知之耳。宋儒言理。多執己見。不知之事。輒以必無斷之。使語以今日之格致。如鏡能隔牆而照。電能不線而行。以及各種精微之學。奇巧之物。不幾訝爲仙術乎。可見理固自在。無乎不能。人必遵之而行。始可爲學。故格致之士。必盡去一己之成見。虛其心。以受外物之來。來則細研其精微。深求其底蘊。或由此悟彼。或因流溯源。久則中之所懷。皆粹然之理。無膠執之私。斯卽所謂以人合天。而與之同德也。假使無一定之理。與人遵循。或亂雜無章。或半途間斷。則格致之事。必不能有功。中庸所以言不誠無物也。此以知人實蹈理而步。非理之賴人而存。卽人之所不能。而亦理之所固有者也。此非有純一不雜。至誠無妄之上帝。安能秩然有序。燦然有文。若斯之美備哉。尤有證者。人之明理。由於有所思。然其始生也。茫無知覺。後乃仰觀俯察。博覽旁搜。漸能由粗入精。自約而博。閱歷日廣。則智慧日增。故有人謂思之生。由於物。不知思乃自具之物。維皇降衷以後。其能已儲。非物之所生而成。乃物之所觸而動。不過不憤不敢。不悱不發耳。譬如人之見物。卽能分其數目。辨其形色。知其氣質。此其數目形色氣質。雖在於物。而所以覺其數目形色氣質者。則仍由思。豈可以思屬諸物乎。或又有以思屬人者。以爲人有智愚之分。故思亦有廣狹之別。此思非人之所生乎。是亦不然。人之有思也。可括天地人物於其內。卽天地之外。無人無物之處。亦可設想以擬之。是人與物所不能至者。而思能至焉。是思誠大矣。且有時思已之思。他已而亦去之。

已去而其思仍在則是思非人與物所能限且並非己之所能限矣蓋天下斷無一物不在思之內者即一思夫已而物已在其中因我之爲我正因物而分不能合而爲一亦不能析而爲二是思固包括乎人已萬物所謂大思也大思者何上帝是也大思者何上帝是也大理大思之所在究其極可以無遠弗届無微不入無所不知無所不能所謂無極也非全美之主而能若是乎縱云上天之載無聲無臭然亦何難用想像之才而得之也哉人之言上帝者有三一爲婆羅門教其視上帝爲高不可攀獨居九霄之上不與世人相接而亦無所設施人之入道也必捐棄所有萬象皆空一切俱寂而後可入涅槃與之相合蓋極樂之境在是焉夫是說也亦知己之不全而思必有一至全者之在上欲去不全以合於全特謂上帝爲至高至遠冥然無所措施且必寂滅虛無始可証道則是上帝與人相通相接之路已斷雖欲與之相合而末由合也此一說也其一則謂上帝造物之理確有可憑然亦祇即本有之物而變化之非創也是說雖足證上帝之有然物自物而上帝自上帝是判然爲二仍足以限上帝也又有謂上帝造物實自無而有非但如大匠之變化亦且如謀士之運籌一切隨其心意而定是說尙矣然一言夫造則物與上帝仍分未能如子思所言其大無外其小無內之精警且僅即物而觀尙未能明上帝之意之所在因物之理今尙未盡顯故上帝造物之意亦未易知譬之畫師繪圖始著一二筆不知者謂其毫無意義而豈知圖中之妙蘊亦已胚胎於此乎又如國手弈棋初置數子觀者茫然不知其用意之所在及至局成乃

知此數子者。奇正相應。缺一不能。自始至終。無一閒著。上帝造物。亦猶是也。蓋人之能成。在於得物。故上帝之所以造物者。意卽在於成人。舊約創世一章。言之甚悉。此其意旨。必有成就之日也。是以人能卽上帝之理以爲理。而不難以己之理。卽上帝之思以爲思。而不參以己之思。於是可爲萬物之靈。巋然居塔頂之上。俯視一切。萬善羅其胸。萬物備其體。夫而後人與上帝。乃渾然無間。不能窮其意量之所至。斯卽帝謂潛通。與天同體。人生之能事。於此盡。而上帝之意旨。亦於此成矣。此人與上帝相通之路。賴救主而至者也。以弗所一章十節云。日期滿足時。天上地下萬物。並歸基督。是也。宋儒之言上帝者。以無極太極名之。謂天卽眞實之理。可以貫通全體。無乎不在。乃萬物之大根柢大樞紐也。其名之曰極者。以爲天下之物。皆有方向之可指。跡象之可尋。而此獨無方向跡象。所謂無極也。至曰太極者。則以物之既生之後而言。非謂無極之外。別有太極。太極之上。復有無極也。此其命名之意。亦殊莫罄形容。惜其時。惟知高語性天。未能實徵學問。後遂有兩儀四象五行八卦之僞言。毫無精義矣。夫無極太極。非有兩事。而亦不能有二名。上帝生物之理。恐無所始。亦無所終。如環之無端。不可尋覓也。卽如天演家之說。謂天地萬物。非有創造。乃啣接變化而來。夫物之自生。固矣。然必有所以能生之故。居乎其先。而始能自生也。使僅觀其由散之聚。由簡之繁。由渾之畫。似乎因演而成。而不知其所儲之能。本有可聚可繁可畫之理。故得成其或聚或繁或畫之形也。此其故。亦造物之所能自致乎。天下無無因之果。雖在混沌之初。其能已自備。

結不識春秋。朝菌不知早暮。其生之甚促者。以其能事。固止於此。非天演之能使之長也。此可見既有一生。即有一生之理在內。使無此理。必無此物矣。此非上帝之所賦哉。譬人遺一粒之子於地。不必日日爲之扶植也。而將來陰能蔽日。葉可凌雲。或爲樑棟之材。或爲禽鳥之室。皆意中事。以其一生之能事。已基於此日矣。上帝生物。亦畀以生之理。可已。其間。或具有生之之理。而未盡生之之能。則又當以其遭際爲斷。孟子所謂。牛山之木。是也。故中庸曰。天之生物。必因其材而篤焉。栽者培之。傾者覆之。即此意矣。或又謂。天既造物。何不造一完全極樂之世界。而必使人憂樂相間。患難相尋。其故何哉。且不僅生此困人之境而已也。或更間生害人之物。抑又奇矣。曰。是殆別有一意焉。天下之事。既皆對待。則樂者。苦之對也。使絕無苦。又何所見爲樂哉。且天之設此境。以待人者。又未始非磨礪斯人。使之思患預防之意也。蓋人之智力。遇感發而後增。人之心志。經患難而後固。假使天下之事。有樂無憂。有安無患。則人事將於此息矣。豈能漸有進境。而臻美備之域哉。故孟子云。天將降大任於是人也。必先苦其心志。勞其筋骨。餓其體膚。此不能之所以增益也。耶穌在世。備嘗艱苦。成爲萬古之完人。希伯來三章十節。言之最切。所謂貧賤憂戚。將玉女於成也。而何疑上帝之不仁哉。總之。人世雖不能無苦。而實漸能背苦而向樂。上帝欲人得福。界之以儲能。使其自爲之。以漸與外境相合。致於最宜。此雖人所自爲。然如造塔者。有人以一簣爲之基。其後。重重疊疊。以至最上之一層。然皆因有所憑藉。即謂一簣者之所造。可也。彼天演家以物之毀屬天。

行。以物之成。屬人治。亦似天之於物。必欲其毀而後快。而人必去夫天行之慮。始足成人治之功。此以人勝天之說也。烏知人之所能。實天之所賦。人爲之。不啻天命之也。故人欲成美。不能外上帝而自成。必藉上帝外理之來。以擴充夫內思之出。則將來之成就。未必不能至大而化之之域也。然則上帝固可測度乎哉。

性學舉隅序

合肥李儀叟傳相

格物致知之學。始於曾子。盛於宋儒。衍爲性理。遂成專門之學。曾子之言格致也。由格致以推。至於治國平天下。蓋效必徵諸實也。後世之言性理者。始而迂拘。繼而支離。終則大遠於世情。求其可以施諸治平者。蓋寡。泰西之於制器尚象。徵諸實事者。其效已章章如是。而性理一道。亦有專家。惟其初。自東周時希臘倡此。學者接踵而起。中更二千餘年。歐西各書院之承此學者。互立門戶。入主出奴。亦惟肆力於冥漠虛無之際。而於實學。毫無補焉。至國初時。英人培氏。法人德氏。相繼而興。培氏之求新理也。必沿流以討源。德氏則先本而後末。要皆謀慮於實。故物理無不達之隱。當其標幟所樹。舉歐西曲學之士。雷同而響應。景埏而森合。覃精冥悟。鐫鑿幽渺。其於算理之扁奧。形性之繁曠。治理之條分縷晰。無不究極乎本末。始終廣大精微之致。又復研極水火氣力五金光電聲化之變。以創造輿舟兵械暨諸機器之工。駸駸

漸日新其學。而至今日之泰西。雖由虛理而徵諸實。實效矣。美國冠西丁君。其爲學士也。最著有名。於中

西諸書無所不窺而尤達於性理。今先以性理之淺易者。著爲一編。題曰。性學舉隅。問序於子。略爲翻閱。其論五官。於眼耳口鼻舌之外。加膚字。以司捫者。蓋卽佛氏以眼耳鼻舌身意爲六根。以色聲香味觸法爲六塵。而身之司觸。猶膚之司捫也。道家往往以數目代實字。故有三魂七魄之說。黃帝內經。以肝藏魂。肺藏魄。而肝爲木。爲春。其數三。故曰。三魂。肺爲金。爲西。爲秋。其數七。故曰。七魄。其三七等數。所以代肝代肺。猶云肝魂肺魄也。茲編以植物獨具生魂。以動物具有生覺二魂。而人則具生覺靈三魂。適與道家言魂同數。其他數數引證。吾古書。以相發明。亦未始無心得者。夫中國之談性理者。業已黨仇攻伐。紛如聚訟矣。丁君今刊茲編以問世。不知閱之者。能信其與吾儒所談者。不相背否也。然性理之學。始於格致。終於治平。古今之同不同。中外之異不異。無論也。但能推而合於治國平天下者。斯可矣。今古中外何有哉。光緒二十四年四月

性學舉隅總論

二品頂戴京師大學堂總教習美國丁韋良冠西甫著

或問。泰西性理家所論者。大抵以何爲主。○答。自不外乎天地人三才也。昔時。每以形而上者。馳驚忘歸。近代。則以究察人性爲要。

問。攻乎性理者。先究人性。何故。○答。畧如渡海擇船。必先查其鐵木各料堅否。水火各機全否。今究夫人性。卽知其所可與所不可。其可測之境地。不妨隨心遨遊。至其不可測者。則入之不第枉然。且恐其終無

返問

問人之所能測者。以何爲要。○答。知己爲要。蓋人之求知。無遠弗届。無微弗入。欲求諸物。莫如先取諸己。無患人之不已知。患己之不已知也。

問。知己有二端。何也。○答。曰身。曰心。是也。曰體。曰魂。是也。曰內。曰外。是也。

問。欲究此二端。如何能致其知。○答。不知此二端。則無所知也。然究之之法。適乎不同。蓋此身我既不能剖而視之。必由人之體。而推及於我之體。心靈反是。人之心靈。我不能目觀。惟有省察己之心靈。而推及之耳。

問。體骨不亦覺而知之乎。○答。欲知心靈。則以覺悟直達。欲知身體。則雖有覺而無悟。仍無由以直達。體骨疾。則覺之。其數若干。其形若何。則不能覺而知之。蓋身屬外物。非我也。乃我所用之機。所居之廬而已。問。此二端。分門若何。○答。體學爲格物之一門。靈學則性理之大端。以性學名之。因萬物雖莫不有性。而獨以人爲貴。故以人性概之。

問。二學既分門別戶如此。尙有相涉否。○答。其互相干涉極多。因身魂一若至親。一生不相離。且時刻有相感。身體無心靈以主之。則如木石之呆質。心靈無身體以應之。即無以接外物。心動而身應。雖爲常事。但亦有反是者。蓋情欲心思。每由身發也。夫人。性兼天地。身參五行。靈爲天神賦。身局於身。不能不用。

體骨將來脫殼焉知不能如天神之自在也。

問。心靈之能用體骨若何。○答。靈如將軍以腦爲帳幕。藉筋絡出令。而百體聽其調動。筋絡又分二種。一由肌膚內通於腦。能將外情達之於靈。一由腦外通於肌膚。其自外發者不出我。自內發者則我得隨意使用。至於筋絡之功用。古人嘗取其妙不可測之意。以精神名之。實則類乎電線。因身內實具電氣。以通信道力。有新式探電機以驗之。不難知也。筋絡與腦二者之功。用下文當申明之。

問。性學何以先魂而後身。○答。其故有三。魂爲我而身非我。一也。我之悟我爲人。其知由魂始。二也。魂之於身。有貴賤之別。三也。

問。人之初生。有所知否。○答。無所知。蓋究其本初。由於胚胎。始也。雖具生氣。不過如草木之生氣而不覺。繼則胎中漸長。肌膚蠢動而微覺。仍不過如魚蝦之在水。終則出胎。耳目口鼻忽開。悟性隨生。五官觸物而覺。覺而後悟。悟而後思。思而後有知。

問。其所以何爲先。○答。必以分物我爲先。此乃知之本。學之始。內可深造無窮。外可廣推無涯。雖人生百歲。其知日增。而仍不離於物我。知物爲天地。知我爲靈而居乎其間。

問。人有三魂之說。其故何也。○答。其說不爲無因。蓋草木有魂。能生長而不能覺。故謂之生魂。動物有魂。能生長而又能覺。故有生魂。亦有覺魂。惟人則生覺悟三者兼而有之。能悟者。靈魂也。故謂人有三魂。以